

山右石刻叢編

山右石刻叢編卷二十三

賜進士出身頭品頂戴都侍郎兼都察院右副御史巡撫山東總督提督欽印務節制太原城守尉阿胡聯之

金

聞喜重修聖廟記

碑高三尺三寸五分廣一尺八寸二十
三行行四十二字正書今在聞喜縣

解州聞喜縣重修宣聖廟碑 并序

徵事郎臨洮府富川縣令武騎尉賜緋魚袋張邦彥撰

懷遠大將軍行解州聞喜縣令兼管勾常平倉事輕車都尉神麓郡開國伯食邑七百戶大懷柔書并立石

信武將軍前朔州軍資兼軍器庫使并造作院騎都尉清河郡開國男食邑三百戶致仕張茂篆額

○桐之地○於四通五達康莊之○西之秦鳳北抵趙代東

有覃懷孟津南通陝號伊洛英俊之所往來冠蓋之所游集
邑屋叢茂生靈浩繁二萬五千戶以上若非介於郇瑕汾澮
之間雖曰桐州可也明昌二年秋余□□□簿及其既至則
□詣鄉校首謁先聖先師而鄉人往往皆以柏廟為對余即
詢之其儒生父老習於事者皆曰古之湯陵也□代縣□
壠已平迄今為宣聖廟耳竊嘗以謂自古帝王墳陵所在經
傳皆有明文故黃帝葬橋山陶唐葬穀林舜葬蒼梧禹葬會
稽文王武王皆葬于畢至於成湯獨不言葬處馬遷劉向之
徒亦不言之惟孔安國注尚書至太甲桐宮之事則云此□
葬地也及書之正文亦有伊尹營于桐宮密邇先王其訓之
言蓋其地本名為□□太甲居之故曰桐宮耳其後魏文帝
作皇覽一書始言湯葬濟陰與安國所言稍有差舛夫安國

之注尚書也皆有師資承傳之學與司馬遷同時而去古未
遠故馬遷不言而安國獨言之魏文帝出於馬遷劉向之後
夫馬遷劉向一代之人尚且不能言之豈有經數□□至於
魏文帝而反能言之也耶故以尚書正文考之則安國之□
□□實矣其地蓋與清源相接故魯僖公三十一季晉蒐清
源杜預注曰在聞喜縣北當時雖則未名聞喜然亦桐之事
實見於春秋者也爾後天下有兩桐鄉廬江舒縣亦有桐鄉
則漢之朱邑所治者是也今此桐鄉則湯陵所在者是也至
全秦時以此桐鄉改為左邑竟謂彼為右而此為左也及漢
武帝元鼎六年東幸緱氏行至左邑桐鄉聞南越破因以其
地為聞喜縣迄今稱焉然則此地之為湯陵也其亦果可信
矣翌日往謁其廟則見有古柏一十六株蒼蒼鬱鬱蔭敷殿

庭蟠屈榱牙如龍蛇天矯長負千古雪霜之氣誠佳木也周
視殿廡赭堊丹青之飾亦頗佳麗然制度隘陋不與縣郭相
稱當是時燕山李侯潛方□是邑余則倅之每一周視嘗有
增新敞大之意然□□之法始行日夕忽忽有所不暇比至
秩滿北歸竟成遺恨耳及承安三季春予自洮西官廻還歸
平陽而古桐進士晉康侯者不遠數百里且來相過曰縣中
邇來有一美事嘗知之乎邦彥對曰未也曰縣之學舍嚮制
隘陋先生之所知也昨為前丞王公已增新而敞大之矣僕
喜□□是哉前丞謂誰對曰大□□都轉運使資政大夫王
公之子也名觀字希_玄遂州人氏明昌五季以詞賦擢進士
第再調聞喜丞以承安二季七月二十九日署事其為政也
廉潔幹辦見事明敏寬不太柔猛不太虐時時操縱有古人

風嘗攝縣事曾未浹辰而一境之民莫不畏愛矣所斷異政極多以其章章在人耳目他時自有豐碑專以德政而刊之者矣於口不具道也嘗與士大夫會集于黌舍講堂之上因曰聞喜大縣連黌比屋幾至萬家非不雄且壯也而縣之學舍隘陋如此僕猶羞之況吾儕乎有欲興者吾力頗能為增大之眾皆喜曰斯事欲言久矣然而未能闔端以發之也先生果肯為意吾徒受賜多矣乃以本縣進士及第守安邑簿李士謙為營造首仍以鄉貢進士晉康侯祁午解口升等率士子而共成之於是布告縣人及諸好事之家諭以邑丞王公懇懇之意當時又有主簿龐公名鑄字才卿者協力佐之故一境之民皆欣然曰學校吾鄉之學校也我等自當為之幸而官長皆肯留意誠莫大之惠也尚敢辭哉於是富者助

財貧者助力雖市道小民販鬻之餘競以畚鍤自隨來赴役
所者不知其數故其垣墉基□不日而成詩曰埽之隕隕度
之薨薨削屢馮馮百堵皆興者其是之謂乎蓋自承安三季
四月一日鳩工治材其楹杙棟宇之功垣壁堅茨之事雕鏤
藻繪煥然一新至仲冬書雲之前已落成矣夫王公之使人
也以德不以威以誠不以力故百姓感而往為之助者唯恐
其後也東山之詩曰悅以先民民忘其勞其是之謂乎觀其
殿屋□□廊廡高□觚棱陽馬接翼而飛肩櫨曲枅芝栢雲
案之材曲中繩墨綺䟽玉舄櫺檻鉤銘之用巧應規矩望視
巍巍然信哉其有制度也詩曰如跂斯翼如鳥斯革如矢斯
棘如輦斯飛其是之謂乎至若講堂齋舍廚庫之屬靡不皆
具又以餘錢募買門邊隙地數畝以給學子壺蔬膳食之用

皆以誠義感人。之故以致事立功。成如此其速。若非行事果
敢。素有義襟。安能以至是耶。詩曰。新廟奕奕。奚斯所作。孔曼
且碩。萬民是若。今此可以近之矣。蓋翼脩遠者。無卑棲器宏
博者。無口用。故賢人君子。在朝廷之上。則其道大行之。在州
縣之間。則其道小行之。無處而不行道。身之所在。道之所在
也。王君妙齡。以進士擢第。試手効官。為是邑丞。權未甚重也。
仕未甚久也。已能慨然口廣學校。誘掖儒生。發明周公孔子
之道。使彬彬之教。煥然勃興。功效已如此矣。他時稍被進用。
其為功業。又可量哉。惜乎俗吏為政。不知出此。其始至也。必
曰。期會簿書而已矣。按劾獄訟而已矣。徵責逋負而已矣。視
儒口禮口之官。仁義道德之教。以為不急之務。一皆置而不
問。嗚呼。其亦不思甚矣。殊不知治天下者。其道有二。曰本也。

曰末也夫德禮教化本也獄訟簿書末也在唐虞之世專以德禮教化為務故先命伯夷典朕三禮然後皋陶作士明于五刑以弼五教而已矣豈有緩其所重急其所輕本末倒置而能輔成至治之功者乎況我

國家鄉有□□有庠學校如林徧滿天下其仁義道德之教詩書禮樂之用煌煌焉炳炳焉固已行之躋于三代矣郡縣之官能以學校為心者所謂承流宣化乃其職也顧此之不為而欲彼之妄行愚謂可為憤恨者此也是以鄭廢學校子衿所以刺其失魯修泮宮泮水所以訟其美故文翁之在蜀也以為蜀地僻陋有蠻夷風乃起學官於成都市中□是蜀地大化學於京師者比齊魯焉其後相如王褒揚雄之屬俱以文章妙天下者皆文翁教化之力也衛輅之守桂陽常衮

之在福建皆以地臨邊口開設鄉校然後民俗大化至今稱之況乎桐之為邑處華域之中當要衝之地其民仁讓而喜名質直而好義自古人材之出如晉之裴楷郭璞唐之裴度皆其邑人也迄今縣進士擢第者累累相繼前後不絕士子讀書游場屋者皆有名聲為他縣最然而學校未修是亦主者不能導揚風化之罪耳處是職者當如何哉噫物理之興固自有數豈古桐學校於此當興乎不然何邑丞王公如此用心之懇切也愚謂非其邑人士大夫至誠向善之深不能使王公如此口口之懇切非王公用心如此之懇切不能使闔境之人畢力相助三者相待而成然主張吾道賴以濟事者王公之力為尤多修廟之禮已告成矣晉李和解夫數公者自邦彥未第之前嘗有累季之舊及後守官聞喜是數公

者論文之外非公事未嘗至於偃之室迄今思之人人例居
子也且謂邦彥先日在縣為政二季風俗人事稔知之矣因
以斯事來謁鄙文侯曰修崇學校士口子曰大之業也僕雖
老懶當如疲馬聞鉦強為作氣以贊道之焉敢以故陋為辭
迺誌于石而為之銘曰

桐有柏廟 是曰湯陵 後代於此 黨庠是興 維此
黨庠 制度猶隘 春秋二祠 僅容冠蓋 雖則如此
其誰憫之 赫赫王公 崇之飾之 民感公義 誕
胥勸勤 持畚荷鍤 祁祁如雲 既得其時 又得其
制 民之悅之 聲罔攸替 殿宇宏麗 堂皇肅嚴
廊廡翼翼 聳民視瞻 文翁蜀都 常袞福建 學官
是崇 子第攸勸 千載而下 芳聲靡終 誰其嗣之

王公則同

忠武校尉行縣尉武騎尉抹輦阿魯帶

將仕郎可主簿兼管勾常平倉事孔祖湯

武義將軍行縣丞兼管勾常平倉事飛騎尉完顏蒲刺覲

忠翊校尉醋都監張昌齡

忠翊校尉酒都監阿里根臺撒

忠武校尉稅都監李天甫

承奉班祇候酒同監白泰

保義副尉商稅同監白永禧

大金泰和四季歲次甲子中秋日建

管勾立石人遼陽進士大溥

同管勾立石人晉康侯

施亭子人賈松

監脩

呂繼刊

按碑題徵事郎臨洮府當川縣令武騎尉賜緋魚袋張邦
彥撰懷遠大將軍行解州聞喜縣令兼管句常平倉事輕
車都尉神麓郡開國伯大懷柔書信武將軍前朔州軍資
兼軍器庫使并造作院清河郡開國男致仕張茂象額邦
彥泰和三年十二月有萬泉縣修學宮碑結銜與此同聞
喜縣志邦彥平陽人當川縣令明昌二年調邑簿有重修
文廟碑記卽此碑卽據碑明昌二年秋余下屬簿及還歸平陽文碑有云承安三
年春予自洮西官迴此邦彥以是春罷當川之證當川宋隸熙州
隸洮州有當川縣金史大懷貞傳字子正遼陽人大定
彰德節度使柔當其兄弟行新唐書渤海傳本粟末靺鞨

姓大氏懷柔渤海遺裔輟耕錄元漢人八種有渤海其證也碑言桐廬地生齒二萬五千戶以上按金史解州戶七萬一千以此碑證之則聞喜縣戶數已居全州之少半又云明昌二年秋余闕既至詣鄉校首謁先聖先師而人往往以柏廟爲對皆曰湯陵又引書正文有伊尹營于桐宮密邇先王其訓之旨以證湯陵之在聞喜校湯陵後人列所在者非一太甲篇晚出非真古文不足據水經注涑水西逕桐鄉城北竹書紀年翼侯伐曲沃大捷武公請成於翼至桐乃返漢書武帝元鼎六年將幸緱氏至左邑桐鄉聞南越破以爲聞喜與碑所引漢書合宋楊緘保甯寺碑云伊尹放太甲之地僉曰桐宮漢武下尉佗之年方更聞喜今聞喜縣志据此碑及楊緘碑訂爲湯之桐

以景山亭城爲垣曲

以諸書考之聞喜爲商之桐實無確證而爲周秦之桐則無可疑碑又云時燕山李侯潛方

關

是邑此李潛明昌二

年令聞喜之證碑以承安三年重修宣聖廟而撰碑云前

丞王公都轉運使資政大夫王公之子名靚遂州人明昌

五年以詞賦擢進士第再調聞喜丞以承安二年七月二

十九日署事

署謂蒞事

嘗攝縣事與士大夫會集費舍欲增大

之王靚見縣志官與碑同碑云時有主簿龐公名鑄字才

卿協力佐之金史龐鑄傳字才卿遼東人少擢第仕有聲

南渡後爲翰林待制遷戶部侍郎坐游貴戚家出倅東平

改爲兆路轉運使卒博學能文工詩造語奇健不凡世多

傳之

中州集鑄字才卿大興人家世貴顯明昌五年不言進士風流文采爲時輩所推仕至京兆運使

爲聞喜簿以碑證之可補其闕碑有邦彥在縣爲政二年

文此邦彥以明昌四年去任之證文援据精核詞旨淵雅
自是金文之傑碑末題銜有忠武校尉行縣尉抹輟阿魯
帶將仕郎可主簿孔祖湯武義將軍行縣丞完顏蒲刺覲
並見縣志又有忠翊校尉醋都監張昌齡忠翊校尉酒都
監阿里根臺撤忠武校尉稅都監李天甫承奉班祇候酒
同監白泰保義副尉商稅同監白永瞻可見金代州縣官
制之繁

立石人遼陽進士大溥碑有古桐進士晉康侯本
縣進士及第守安邑簿李士謙鄉貢進士祁午解
闕升等皆以承安三年前中
第可爲考晉文獻者之助

弔夷齊詩碣

石高一尺廣一尺八寸司馬詩五行行十字正書王詩七
行行八字至十字不等行書末題名二行首行五字二行
二十字正書

今在永濟縣

首陽山伯夷叔齊墓

涑水司馬光

夷齊雙骨已成塵獨有清名日日新
餓死溝中人不識可憐
今古幾何人

遼西王仲通

大名壓破首陽山義抗白旄諫可還
扣馬不回天地在採薇
何怨死生閒半扉野日牛羊踐四壁
秋風几像閑我為呼魂
薦盤粒莫疑周粟不開顏

泰和四年十二月朔

承事郎河東縣令王文蔚立石

吳光遠摹刊

按碑前刻夷齊廟詩碣有溫公詩一首
刻涑水司馬光後
有王仲通五律一首末題泰和四年十二月朔河東縣令

王文蔚立石永濟縣志二賢祠金元碑四金爲泰和四年
河東縣令王文蔚立卽此碑碑見寰宇訪碑錄通志金石記
弔夷齊詩碣

石高一尺二寸廣一尺八寸十三行行十六
字後題入行行二十字均正書今在永濟縣

二賢廟

承事郎河東縣令王文蔚再拜

夷齊古賢人金石固所守求仁而得仁夫何怨之有讓國去
歸周叩馬諫代紂採薇首陽下竟為二餓叟仁義忠且廉於
天誠不召誰謂天無親善人反罹咎又如顏氏子糟糠不厭
口盜跖肝人肉死終得其壽報施果何如冥冥莫非偶然則
烈丈夫功名貴不朽窮達弗易節利害亦不苟當時志未伸
譽必彰于後我觀

二賢像清癯止此否欲贊萬分一閣筆慚大手自有民稱之
與天地長久

郡人蘇億書

王令 先生政事文章自有公論不待僕之區區而後知
也至於韻語揮毫立成篇篇清新俊逸皆能動搖人心好
事者爭持去以僕濫在士子之列時得請益獲 公之
文居多此篇為

二賢廟所賦也因命工刊石庶傳不朽云爾泰和四年冬
十二月十有九日寓風陵蘇億謹跋

吳光遠刊

邑人蘇浩 田溉 張伯成 田秀 田夢澤 田秀實
田大有立石

按金史地理志河中府縣七河東倚此碑首載文蔚拜夷齊詩末題郡人蘇億書後有泰和四年冬十二月寓風陵蘇傲跋略言所以刊文蔚詩之意又縣志風陵鄉在縣南文蔚詩今少傳者以蘇傲所跋證之則亦金之能詩者今永濟志縣令自國朝雍正置縣始而秦漢至後周之蒲阪隋之河東唐五代之河東河西永樂宋金元之河東諸縣令縣尹皆不列故文蔚名遂不入職官亦云疏矣竇宇訪碑錄謁二賢祠碑王文蔚撰李億正書泰和七年竇宇錄誤蘇億爲李億又誤四年爲七年碑見通志金石記

顯澤祠記

碑從裝本錄出尺寸行數無稽今在縣

顯澤靈祠之記

前太原府學正古襄牛國瑞撰

鄉貢進士當里張翥書丹

予因寓崞山木生里清河公門下誘厲後進忽一日公命遊西山聯鑣而往敬謁

祠下凭欄四顧此真絕妙之聖境也目其牌曰

顯澤靈祠詢其洞曰西臺寄池旁有里人五戒王文就詢其事略知其然復覩折碑亦明歲月有秩耳曩者是山之陽腹有一石洞中洌而泉側有一穴深不可測聞殷殷其雷之聲其澍旋下□予牧兒熟知之矣天會間有一僧俗姓李氏乃九原襄城魚家庄人也削髮於臺山真容院□□於此地戀戀而不去穿穴而居悼祠堂隘陋特發誠心禮化鄉里豪族重建祠宇恢度舊制□□其初泊

聖像顯嚴亦有當

里王公乃吾黨之子晚年自悟隱迹於是及師化去公爲□
□持繕修之力不爲不多矣大定初九年厥廟火災掃地而
空至二十三年間有道者姓延乃襄□□鳳里人穴居於此
化四方檀信復建祠廟恢闢棟宇不日成之命工雕造

文殊大聖洎衆聖像一新繪飾 神意安而宣靈人心懽
而致和

□乃西臺其司自建廟寄池於此其來久矣池者

神龍之所居惟神無力周遊運動微妙不測惟龍時潛則潛
時飛則飛千變萬化莫知其狀每□遇亢陽四方取迎祈禱
雲雨應期化荒爲穰易沴爲和是以人蒙庇庥之厚矣自後
有同牢郭道者割除嗜慾休弃妻室以潔其身惟人之難能
者公樂爲之二十四年間來居於是與當里張五戒議續修

水簷及東西回角化諸積善之家眾意欣欣協力而成公於
承安五年請臺山真容院提點和尚并眾僧開講一百日數
演釋教鄉人聞者輻湊而至競貢齋費惟恐其後非

神力曷能致此又命工燒琉璃鵞獸計其所費為不少矣公
好作緣事無毫髮私已即日來告曰已命公礱石庶載之廟
事且令後世傳之不泯遂推求本始俾刊之茲碑銘曰

陶原在左 白鶴其鄰 天涯在右 南接漳濱 有池

寄此 西臺其神 永宅厥靈 廟貌斯新 四方敬止

載嚴祀湮 亢陽祈禱 甘澍旋臻 百穀用成 眷

祐於人 默儲休慶 人樂其性 和氣充溢 塗歌里

詠 銘於茲石 傳之無竟

泰和五年正月三十日

立石人郭勝

石匠廻鳳里王才珪弟王才玉刊

按碑題前太原府學正古襄牛國瑞撰鄉貢進士當里張翥書丹嶧縣志神靈寺在縣治東南七十里白鶴山金泰和五年碑額名顯澤靈寺卽指此碑而言今碑文具在嶧縣志有碑是而志非者亦有碑非而志是者並有志碑全不合者如前云天會按年表爲金太宗建元是也後云承安爲金章宗建元是也中云定初攷年表金代無以定初建元者恐係大定初之誤且碑有二十三年二十四年之文金時惟大定紀元至二十九年其餘皆不及此而縣志以定初爲紀元亦誤甚矣碑銘云陶原在左白鶴其鄰天涯在右南接濞濱縣志白鶴山在縣治東南四十五里峭

石壁立雪下隨消亦崞之奇境漳沱河源出繁峙秦戲山
會代州諸水至清安堡入崞境自北而南至縣城東又東
北而出崞境入忻州定襄界按以上諸地金時碑文已有
其名至今仍之亦可爲歷代相因之證碑云李氏僧九原
襄城人太平寰宇記忻州九原郡可證

紇石烈昭信德政碑

碑連額高四尺五寸廣一尺六寸七分十八行行
四十二字正書額題十二字分書今在芮城縣

芮城尉紇石烈昭信德政之碑

承事郎前



州襄樂縣令雲騎尉賜緋魚袋許安上述

登仕郎解州芮城縣主簿兼河防常平倉權縣事楊處仁

書并題額

為政有方曰明日斷而已明則不膠于曲直臨事迎刃而解

斷則不惑于予奪遇疑即見幾而作執此兩端以口其民奚
患事之不濟政之不成也耶 紇石烈昭信嘗學而後從政
閑前哲之規鍊當世之務慮遠惟明觸口而斷 鉅金

泰和之三年六月結綬蒞事來尉茲邑呂清白端勤為已任
遇澆浮以猛植良善以寬吏不可犯民不忍欺 上司俊其
才委之監納于軍有補于民罔傷規畫之功出自談笑較本
州諸邑之政惟芮為治最嚆丕休哉不出戶而治道自得方
下帷而縣人用乂境死追胥俗用不擾士民方且服 公之
長才露 公之善利莫不交口讚詠如百穀之仰時雨嗟乎
公之母染疾不起長逝九原實泰和四年冬尾二十有七
日也百姓隕淚如喪考妣闔邑具禮而餞之唯恐其后父老
進儀副尉李下等傷其去而見思繪 公之像于北塔寺時

而享之示不忘德也且速文于南園居士曰我 公□南園
夙昔結好如兄弟然得无垂一語以成人之美耶南園曰傳
不云乎愛而知其惡憎而知其善儻一言之不中則君子□
為不智甚哉然諾不可忽也芮之父老縷數政術之為可紀
所請且益堅南園於是而颺言曰今我 公□□□□斷清
白之風是亦為眾人之所不為足以號一時之良吏紀實以
德宜矣於是筆集輿頌揭銘石非□□□司之採訪抑將
以龜鏡于後政云其銘曰

公之為人俯仰无愧泰和三年來尉于芮克漸克明而民賴
利闔邑之間翕然而治嗟乎母疾如夢而逝百姓哀之其猶
考妣去而見思繪諸生意時而祠之示□□且嗚呼中條蒼
蒼大河汪汪我 公之德山河久長

泰和五年中秋

普濟沙門尚恕建

蒲中吳光遠刊

校芮城縣志金縣尉紇舍烈昭信太和五年任有德政碑
在塔寺卽此碑通志金石記作泰和六年今搨本末有泰
和五年中秋刊等字則爲五年無疑通志未見搨本爾碑
爲前襄樂令許安上述主簿楊處仁書題銜與大安壽聖
寺鐘樓銘同通志貢舉譜有許安上官襄樂令甯州襄樂
縣金地理志屬慶原路芮城縣志楊處仁太和五年任主
簿與碑合碑言昭信嘗學而後從政則當以國子生入仕
曰公之母染疾長逝九原則以母憂去職南園居士者安
上之自號縣尉末秩耳而能使人愛慕不忘至於繪像立
碑非德澤入人之深者殆無以致此金史錄良吏寥寥此

碑亦可補其闕矣紇舍烈 欽定本作赫舍哩金之大姓
也碑見通志金石記

海會寺詩碣

石高一尺五寸三分廣二尺九寸五分
三十一行行十四字正書今在陽城縣

寺主潭公告僕昔有竹徑通幽康禪房花木深次以十韻
留題于壁爾後風雨所壞遺失五詠為終身之憾於是稽
顙再四命僕復成前五詠以為後人捧腹云皆奉和乙丑
閏八月十有四日東海徐守謹

竹

官身幾日閑因公訪幽獨盟漱滌龍泉毗睨面金谷晚風千
古清宿雨萬峯沐胃次不勝寒況復飽松竹

徑

渭川千畝陰斤斧成蹊徑斜橋便脚力流水增詩興白晝靜
紋楸秋風和鍾磬何當陪社蓮詩酒論奇勝

通

行盡溪崑見籀龍石枰高與路相通雲藏佛骨潛山鬼草隱
秋聲話夜蟲轆轤挾身輸納子莆花吹雨散天風我來借榻
松軒宿頂信仙凡夢不同

幽

俗事紛紛厭官游山林勸我早歸休野花影裏禪房靜亂石
叢中竹徑幽雨印莓苔滑鴈屐雲昏香火燄層樓晚晴僧話
渾無事茶罷吟餘坐聽鳩

處

可愛林泉人樂此深幽處清虛絕六根俯仰靜萬慮身世總

空花禪心作泥絮願結閑因緣西風送來去

皆泰和乙丑歲九月中旬日主僧崇潭立石

鄉貢進士楊天衢書

劉榮刊

皇明嘉靖乙未歲八月二日主僧宗雷因見古玉毀碎重

模造立

退隱心榮寫

程弭刊

校詩見陽城縣志序與此同碑後刻鄉貢進士楊天衢書

天衢見縣志金進士

縣志藝文海會寺壁石刻有楊天衢七律一章

以碑立泰和

五年考之則其時鄉貢也碑見通志金石記

崆峒巖壁題詩

碑高一尺五寸八分廣二尺四寸十九行行十一字行書今在鳳臺縣

泰和五年十一月連日雨雪平地深三尺上澣日游琵琶院
經聖字巖欲訪唐人題字無路不得往緣澗踏雪至清風壁
南望屏山下瞰琵琶泓泓周廣二百許步冰雪覆其上深不
可測泓上絕壁懸水玲瓏而水聲滴瀝若琵琶然彷彿賦詩
書腔峒巖壁 華山晦叟楊庭秀

屏風山下雪雲橫雪覆琵琶水一泓水岫玲瓏巖溜滴鈴鈴
珠落玉盤聲

漫漫積雪覆水灘嗚咽泉流水下難渾侶樂天湓浦宿夜聽
商婦月中彈

水漲寒巖水落遲哀絃斷續轉淒悲水仙彈徹霓裳口泓口
驪龍睡不知

院主僧口源立石

口忠刊

按澤州府志洞子巖鳳臺縣東十五里下臨聖宇泐一名
琵琶泐有琵琶寺唐宋勝游之地今碑云泰和五年十一
月連日雨雪平地深三尺上滑日游琵琶院經聖宇巖欲
訪唐人題字不得末題華山晦叟楊庭秀校庭秀硖石山
福巖禪院記泰和乙丑自巖移澤乙丑卽泰和五年與此
刻合所謂訪唐人題字者卽唐權澈琵琶泐石刻中州集
庭秀泰和三年刺澤州以此碑並福巖院碑證之庭秀刺
澤在泰和五年無疑今中州集刻本訛耳楊庭秀金史無
傳散見於紀志及他書碑碣者尚可攷見崖略校庭秀字
德懋華州人自題華山晦叟大定中進士據中州集出令高陵
入官補闕改修撰出刺獻州移澤州據福巖院記遷平涼府同

知致仕貞祐三年京兆治中李公直

韓玉傳中州集并作公直此解作友直爲

至華州結同知防禦使馮朝河州防禦判官郝遵甫平涼

府同知致仕楊庭秀水洛縣主簿宿徽等團集州民號忠

義扈駕都統府謀舉兵入援其防禦判官完顏八斤及城

中女直人有不從者公直殺之以書約都統楊珪爲安撫

使所得遂誣以謀反命珪誘執之盡族公直等阮其眾時

京師道路隔絕至是以狀聞贈八斤及被殺十餘人各一

官賻錢三百貫夏四月癸巳河東宣撫使胥鼎言利害十

三事爲公直等辨誣

鼎傳十三事中有壽一一條蓋卽指此事

長勝軍都統楊

珪伏誅

帝紀

其在諫垣請轉對移聞

章紀承安四年六月丁丑類集聖

訓又十二月編次日歷

又五年閏二月丁未

在詞垣奏定州縣聽訟條

約

刑志承安五年十二月

咸蒙道陵俞允克稱厥職在澤州政平訟

理民用康乂

揚鳳臺縣志

今州境猶存福嚴禪院記法輪禪院

碑腔峒巖壁詩青蓮寺詩松嶺寺詩法輪禪院詩隱然以

文吏自附與許安仁李旻當亦不甚相下至致仕後復能

團義鄉郡奮勇勤王晚節尤可尚夫金國自大安貞祐以

來四境交兵圍燕窳汴中原不知誰屬忠義之士誠有不

容坐視者故讀其成皋追中詩云九關欲上虎豹怒三徑

未埽松菊荒松少雲煙聊駐馬漢唐宮殿兩亡羊實與韓

溫甫檄語

韓玉傳及中州集

同挾悲憤之氣惜平時會不齊竟遭

誣陷與李公直等駢首族滅士論冤之他若龍泉碑文秋

澗詫爲奇作

王惲題陽城北龍泉寺詩後云萬松亭久廢手拂短碑看注碑爲大定間澤州刺史楊庭

秀撰真奇作也

按此文未見又如高陵縣灝靈門碑

見金文最

其文章字畫

尤自負不淺矣

壽聖寺鐘樓銘

碑連額高四尺七寸五分廣一尺八寸二分二十三
行行五十三字正書額題六字篆書今在芮城縣

解州芮城縣壽聖寺鐘樓銘

并序

承事郎守鄧州觀察判官賜緋魚袋許安世撰

承事郎前~~寧~~州襄樂縣令賜緋魚袋許安上書

普濟沙門尚恕篆蓋

滌苦啓善寔鍾之功繼志纂業歸子之孝昔梁武帝見地獄
變相而不勝其苦問寶公救之之術迺曰眾生定業不可遠
滅唯聞鍾聲苦暫息耳武帝然之於是詔天下寺撞鍾焉後
世因之以爲則開士姚遂素明此理深潛孝心崇歸內典欲
資延母之壽祺且雪業障於是建法堂撐新樓而勸鍾焉不
特息人之苦抑有以開天下後世之善心可謂知所施矣初

拯之歸依佛也既布金地欲鍾其樓以□□之宋元符初懇請於□□□以錢六十萬輸官易銅既果其願迺始妙選金工範陰陽而搜造化均厚薄而節清濁陶冶而成天作神造扶持□而□竅怒霹靂作□崇山摧啓迫昏疑發揮貪駭宴安懈慢者聽之而莊夢寐顛妄者聆之而覺摧苦輪于長夜惄□□于幽塗直上震一天□天乃至三十三天無門不闢恒沙善人耳茲音而入豈下震一地二地乃至一十八地有獄皆開多劫罪人聆□聲而出鼓之以不鼓聞之以不聞殆非思量之所及則□□功利豈不博哉法堂底續于元豐之二年靈鍾落成于元符之三祀惜乎樓未構而拯卒有子君舉嘗業進士善繼先公之志欲畢先□□能喜捐□□斤有力而構之桑陰未徙告厥成功鼎新草故傑為四方之冠邦

人雲集口大歡喜僉曰茲堂今其新茲樓今其崇茲鍾今其
鴻可謂有是父而有是子也然無以紀諸行事前功埋沒而
不振抑何以光于不朽哉口有姚彥溫乃拯之曾孫君舉之
孫也家世業儒樂善好事遂移書口西州欲文其事而碑之
余是時方為耀幕竊念彥溫與余生而同邑學則同術而又
姚希悟口獨辦勝緣構成大殿塑大佛三菩薩四口法神二
阿難迦葉一繪殿壁菩薩十二洎琢木化佛不可勝紀而希
悟者乃拯之弟抑彥溫之曾祖也祖考子孫皆有功于佛而
又能盡系志口孝因撫實而併筆之其銘曰

叢叢鍾宣 饒益無邊 上口四天 下口九泉 警超

苦海 擊嚮善淵 姚氏一門 共成妙緣 祖考子孫

既口而賢 我銘豐石 万古其傳

大金泰和五年十一月十日勾知庫口監寺洪湛口

口院釋住持沙門洪善

姚昌 姚偉 姚玉 姚口 姚吉 姚寧 姚佑 姚

琮 姚珪 僧尚恕等同立

信武將軍行解州聞喜縣尉口口河防常平倉事騎都

尉斜卯竹布

登仕郎口口州芮城縣主口兼管勾河防常平倉事楊

處仁

承信校尉口口芮城縣令口管勾河防常平倉事雲騎

尉孫榮立石

虞田尚貞



校碑題承事郎守鄧州觀察判官許安世撰承事郎前甯

州襄樂縣令許安上書山西通志貢舉諸金進士許安世
芮城人鄧州觀察判官許安上亦金進士安世弟甯州襄
樂縣令安上又撰金芮城縣尉紇石烈昭信德政碑

見本卷

則二許亦能文之士也碑言開土姚拯於壽聖寺建法堂
鐘樓法堂成宋元豐二年鐘成元符三年樓未構而拯卒
子君舉成之曾孫彥溫移書安世請文其事碑云余是時
方爲耀幕則安世又嘗爲耀州屬官碑末題金泰和五年
十一月立所列題銜如芮城縣主簿楊處仁縣志有並稱
其權縣令事孫榮縣志無可据碑補又金史地理志耀州
上刺史百官志諸刺史州判官一員簽判州事以史證碑
安世必耀州判官文亦修潔

碑通高七尺三寸七分廣三尺二分二十九行行六十字正書額題福嚴禪院之記六字篆書今在鳳臺縣

大金澤州硖石山福嚴禪院記

奉政大夫中都西京等路按察副使郭侯篆額

奉政大夫澤州刺史兼軍州事楊庭秀撰并書

澤之硖石山青蓮寺河東之勝槩也余為兒童時聞之熟矣蓋華之與澤相去不遠故也太和王戊冬暮余由右司諫補河間之獻乙丑夏五月自獻移澤私心喜曰澤佳郡也又與余鄉近向之所聞青蓮寺者余得而游焉澤之俗儉而淳熹儒學比他州為易治不踰月事理訟息孟秋中休日余騎至硖口山主僧寶賢逆之硖路險而下舍騎而步峰巒回合窮而復通杖筇轉側于亂石之間路益狹山益奇行三里許雙峰巋然若門山之陰有二古篆字曰硖石余謂寶賢曰此硖

石山乎賢聞先師珍唯識言硤石山蓋取兩山夾路之義也
山陰之刻不知某氏實好事者為之硤石乃此山之摠稱也
峰之北有嵌巖巖下有池深丈餘廣倍之巖之奧有罅高深
不能測夏秋暴雨罅中若雷鳴狀湏臾池水滿寺僧飲食之
費歲仰給焉峰之西南孤峰挺然高數丈峰頂平若砥縱廣
十餘尺此遠公擲筆臺也臺之西八十步有澗曰彌勒蓋往
時彌勒化現其上臺之北石壁峭拔如環堵然壁之上亂峰
向背草樹叢翠南望珥山下瞰丹水屏障橫列水墨粲然即
青蓮上方也劉軻謂侶廬山黃石巖者此也臺之南曲折行
二百步古青蓮寺寺額咸通八年所賜也寺之東五里古藏
陰寺即北齊曇始禪師之所建也祖師慧遠器識弘偉風神
爽澈曇始見而度之曰子有出家之相善自愛之乃禮為師

既冠遊學鄴都回翔十餘年博涉經論無不該貫乃携學侶
卜藏陰寺之西丹谷築室而居焉弘演大乘教朝夕不倦遠
近歸依於是建大阿蘭若即青蓮寺之權輿也承光二年周
武帝集沙門于殿庭宣廢佛教意衆皆暗默帝五問師五對
抗聲厲色不為之屈教之不廢師力居多師退隱青蓮造華
嚴地持等經疏一夕夢登須彌山頂瞻禮卧佛像覺謂其徒
曰吾著述有益感此靈徵不敢多讓遂避紛入谷結菴孤峰
下製涅槃經疏疏成擲其筆曰若疏義契理筆當駐虛空中
靈應果然道俗稱慶師示寂後遭隋室亂法席久虛太和初
有慧愔禪師自并汾來少習莊易晚學天台止觀見遠公遺
跡歎曰忍使聖賢依棲之地反為墟落乃闢翳薈壯棟宇以
空假中通之教開別聲旨是日芑芻之流多依附焉結有玄

依法師駐錫上方樓心勝地駕濟世航行利他行開平二年
邑民程行立施山前田二十頃以充禪悅之須逮太平興國
三年賜名福嚴禪院崇_寧間鑒密禪師繼主其教以其寺基
久遠歲壞月隳雖補罅苴漏不勝其弊乃刻意規畫度越前
輩整東崖陁西澗培薄增卑以廣寺址由是供佛有殿講法
有堂構寶藏以貯聖經敞雲房以栖法侶賔寮香積法鼓齋
魚渙然大備

皇朝大定初福裕惠珍二法師嗣之福裕補獎易陋內主寺
事惠珍持戒煉慧外闢_玄風珍好因明瑜伽二大論晚悟唯
識之趣松嶺龍門開大道場提耳接人學者輻湊寺舊有法
堂三楹不稱殿閣規而廣之為五楹未果謝世賴寂定二師
兄左右輔翼通克就緒自遠公而來幾七百餘歲子孫繩繩

經營堂構成于今日寺有藏經五千卷以為悟入之階有山田二千畝以給齋粥之費僧不出戶庭坐以辦道此皆燈燈相續之力也寶賢膺老師宿德之廕弗蠶弗耕而服而食遂離火宅之苦安受福田之祿而不知所謝能無愧乎此寺經幾廢興而無刻識可考俾開山聖賢之迹晦昧而不彰難逃弗嗣之責矣碑石馨之久矣近年澤守如許安仁子靜李仲略簡之皆一時之文士也法堂未成不敢目文為請今福嚴海會潤色圓滿公盍為我記之以報祖師之德以種天人之福使豐功隱行傳諸不朽可乎余謂賢曰昔歐陽文忠公赴夷陵舟次潯陽舟賈李遷磐石載于舟公問其故曰遷修訖湘潭縣蔡師院殿欲歸而記其始造歲月也視其色若欲得予記而不敢言也公欣然書之况寶賢磨礱琬琰待余之文

余何辭焉噫嘻天壤之間半山水潺湲而流巖巖而峰者如塵沙著赫赫之名者無幾皆自古昔聖賢依棲而稱導之然後能輝映於後世水之洙泗山之嵩仰是也硖石去州治遠懸崖列壑撐拄咍呀於無人之境然一經遠公盤桓使孤虺寢廟虎狼窟宅而化為莊嚴寶坊豈不偉歟余景仰古聖靈跡又喜寶賢不忘先師之言故余摭賢之說校目僧史而為之記

泰和乙丑十一月晦日

泰和六年正月十日住持沙門寶賢立石

副院沙門寶安 法眷青蓮寺主僧洪湛 知庫沙門寶

定 尊宿沙門寶順 典座沙門洪侑

府城杜李皋刊

按通志金石記云記稱慧遠受曇始衣鉢周武帝承光二

年詔集沙門欲廢釋教遠公面折之此段與唐司徒太常

僧紫羽記合至所稱示寂後遭隋亂與唐記不符按記開皇十二

年沒於京鳳臺縣志慧遠澤之霍秀里李氏子釋道振福

淨彰寺華經姓名記惠遠禪師甫生時曇始感夢至其家撫摩之

卽晉城霍秀人與此合至六歲度爲弟子戒律精嚴契合眞詮建寺於藏陰西卽

云藏陰寺注涅槃經成擲筆云若疏合禪理筆當駐空隋

之西丹谷文帝召至京參校經義卒於京邸文帝深悼惜之僧紫羽

師遺蹟記是日較按碑青蓮寺起自遠公鳳臺縣志按府

三朝又復辨爲晉之慧遠紛紛歧說今從唐大中寶唐太

歷太和三碑記卽其另爲一人又太和碑慧一作惠唐太

和初慧愔禪師修復宋太平興國三年賜名福嚴禪院崇

甯間鑿巒禪師又廣寺址卽觀音堂碑大修之鑿巒大定初增廣法堂

至泰和就緒以創寺七百餘年未有記主僧寶賢請澤州刺史楊庭秀爲之碑所云近年澤守許安仁子靜李仲略簡之以金史考之許安仁傳字子靜獻州交河人大定七年進士歷官禮部郎中兼左補闕明昌四年上將幸景明宮安仁與同列諫疏奏遂罷幸出爲澤州刺史在郡二年徙同知河南府事李仲略昭義節度使晏子字簡之大定十九年詞賦進士由左司都事轉員外郎以親病求侍特授澤州刺史父喪免起爲戶部郎中又李晏傳明昌六年歸老得疾詔除其子仲略爲澤州刺史碑立泰和六年故稱近年碑爲澤州刺史楊庭秀撰并書中都西京等路按察副使郭侯篆額鳳臺縣志楊庭秀字德懋華州人大定中進士泰和初自獻州刺史移刺澤州政平訟理民用康

山志卷之三
又雅善文詞以平涼同知致仕

碑云泰和乙丑自獻移金澤校乙丑泰和五年

史郭侯傳字伯有澤州人大定二十二年進士歷官同知
眞定府事改中都西京按察副使遷國子祭酒泰和六年
伐宋充山東安撫副使今通志金石記以侯已遷國子祭
酒而復書中都按察副使爲疑按金史本紀泰和六年四
五月始伐宋碑立是年正月此時侯仍未遷耳縣志青蓮
寺在縣城東南三十五里硤石山碑云南望玗山下瞰丹
水按一統志玗山在鳳臺縣東南四十里兩山對立如丫
角一名角山有款月臺丹水在鳳臺縣東水經注丹水又
南流注於丹谷碑見寰宇訪碑錄通志金石記

松嶺寺詩碣

石高一尺六寸六分廣二尺三寸二分
十七行行十三字草書今在鳳臺縣

澤居太行顙繞郭山如帶西南古松嶺傑出群峰外巉巖聳
熊耳隱隱負鼇背小樓不垂簾倚欄日相對春分遇休沐俗
累謝機械寸心渴登臨老氣鼓衰憊陰崖冰磴滑浚澗鳥道
隘瘦藤涉絕頂清境豁眼界衛公廟貌尊英氣凜如在法輪
蓋跡古殿閣啓彩繪祖燈尚能續劫火不可壞盤亭接天壇
胷欠何蒂芥黃流自清沁脉絡分枝派翠巒浮雲煙幽壑產
珎怪松風韻笙磬嚴溜響琤琮此來真勝適所遊了無礙不
作白頭吟且償行脚債可嘆千金兒漫寫垂堂戒

泰和丙寅清明後一日與客登松嶺謁衛公祠留題法輪

院華山楊庭秀

校前刻五言古體一首後書泰和丙寅清明後一日與客
登松嶺謁衛公祠留題法輪院華山楊庭秀校庭秀峽石

山福嚴禪院記泰和乙丑自獻移澤又福嚴禪院記立泰

和六年題澤州刺史楊庭秀書

庭秀撰澤州松嶺法輪禪院記碑題泰和丙寅端午

日記丙寅

此庭秀泰和六年仍刺澤之證鳳臺縣志松林

寺在城西南晉普山下一名法輪禪院李衛公廟在晉普

山縣志言晉普之山萬松參天綠雲如水與詩翠巒浮雲

松風笙磬合今詩載縣志碑見寰宇訪碑錄通志金石記

法輪禪院碑

碑高五尺六寸廣二尺八寸二十七
行行五十九字正書今在鳳臺縣

大金澤州松嶺禪院記

朝列大夫守澤州刺史兼知軍事提舉常平倉事上騎都

尉賜紫金魚袋楊庭秀撰并書

承直郎前彰國軍節度判官兼提舉學校常平倉事雲騎

尉賜緋銀魚袋李俊民篆額

澤之西南三十里雙峰巋然傑出於群山之外曰松嶺絕頂
四望硤石浮山司馬碧落鳬趨於左天壇王屋盤亭析城鶚
立於右遠而黃流曳帶喬嶽聳屏北邙伊闕猶培塿然近而
亂峰回環林麓掩抱雲煙出沒不可名狀竒偉之觀得未曾
有嶺之陽有佛宇焉即古之靈巖院也院之開創不可得而
考也隋大業中有慧觀頭陀自終南來身止一衲日唯一食
髮長不剪晦跡叢林過雙峰下見山崦幽寂木古泉清乃駐
錫而歎曰此古佛棲隱之所也因即誅茅剗穢果獲壞礎乃
靈巖之舊基也遂築室而居焉師唱導接人路無怠情四方
緇素望風輻湊李衛公提兵過大行躬詣禮謁慰諭嘉歎靈
巖之名自此益彰矣寺僧感念衛公之惠乃於山頂建祠迄

今存焉尔後住持未嘗虛席迄唐之季日尋干戈朝梁暮晉
殿宇焚蕩十無二三天福五年有大苾芻省常禪師歎恨頽
毀復加營葺逮乎太平興國三年更賜額曰法輪禪院慶曆
間法師奉教蘊松筠之操抱經論之學啓鉢益心有興復志
於是繕修堂宇四十餘間凡講大乘百法上生等經四時演
說未有虛日傳大乘戒度僧俗千餘人齋僧二十萬置四大
部經作堯率觀朝夕行之未嘗少懈寺神空中報師曰師堯
率觀成當捨幻質往生天宮師欲捨身僧徒難之乃詣千峰
山盤亭寺之側誓焚肉身以報佛恩遂裹以麻布溉以油蠟
縱火然之但見白光燭天異香馥郁四眾讚歎煙銷燼餘競
取舍利唯舌不壞若紅蓮素此師誦經之驗也建卒堵波秘
而藏之及宋末年賊盜蜂起祖師宗愍悲哀涕泣誓於佛前

曰○捨身命不離山門雖豺虎縱橫恬然不畏

皇朝撫定無纖毫損呂表祖師堅勇之志聖賢陰助之力也由是信士劉嚴睹師慷慨為法亡軀乃捨安莊社山莊一所敬施山門以充常住天眷初居民張權誠勇烈之士聞師德操施梨川社田五頃俾供佛僧以資冥福大定二十九年沙門定湛繼主其教嗟悼先師雲仙法堂後刱建慈氏閣累值暴雨頓爾崩摧因廣其基繕淨土堂未克就緒遽然謝世湛之嗣子洪洧謂源師兄曰昔慈氏閣堂構弗固一旦棄捐今淨土堂恐蹈覆車之轍師兄其念之且院門孤僻人迹罕至師兄當以淨土觀經訓誘信士洪洧殫精畢慮興成一簣之功遠迓聞風翕然歸嚮富者施貲貧者効力遂疊石為基高十有四尺而廣倍之中塑弥陀三聖像功將告成洪源來謁

曰法輪禪院建立也久矣是院處深山中四隣民居近者十
餘里歲或兵饑則院為寇賊之巢穴所以興廢者屢焉今承
祖師之廕嗣主禪林有山田足以給饘粥有山木足以取材
用有泉石足以娛目有經論足以洗心不見紛華不聞喧闐
旦旦暮暮經行燕坐於寂寞煙霞之境真休歇之道場也與
夫八達衢頭架屋養數百閑漢者故有閒矣然而開山祖師
初始之跡吾不得而知之矣竊聞先師澄公之說院中舊有
壞碑粗載慧觀禪師興復之績而觀之後省常之前住持宿
德寂然無聞蓋緣碑刻之闕也嗣續不傳良可歎息此院紹
復於觀頭陀潤色於教禪師成於愍法師以至於今若不刻
石紀之則數老宿之勤勞亦猶開山祖師之泯泯也而使後
之子孫將何景仰而考據乎且松峰之形勝道場之靈跡公

嘗游歷而徧之矣幸為法輪誌其始末目傳無窮可乎公郡
守也如郡有草澤隱逸之士尚舉明而發揚之況治封之內
有靈跡勝槩而不蒙紀錄者乎萬一略而不書必貽後時之
悔耳余謂源上人曰余先友許子靖嘗守是邦而與上人交
余來又得從而游是山之靈跡勝槩子靖已失之於前矣余
寧復遺之於後乎宜其搜訪拾掇以為法輪續燈之錄云爾
泰和丙寅端午日記

和敬大德前都綱勸緣沙門洪源 住持沙門洪消立石
前住持僧德進洪應 知庫僧德蘊 維那僧德蔓
典座僧德和 僧德苑德中

施石田渥

隴西李臯刊

按通志金石記鳳臺縣志記中敘高僧奉教於天福年間

住持宋太平興國時捨身自焚留舍利子宗慙靖康末遭
兵亂誓死謹守禪房寺獲全金大定二十九年定建慈氏閣記之以爲傳燈錄續泰和丙寅端午日記今

卽記所
言沙門

以記文考之天福年住持爲省常師奉教在宋慶曆年通

志未見塌本耳又通志云據元史李俊民傳金承安五年

及第供奉翰林文字旋棄官不仕今書彰德節度使判官

提舉學校常平倉官階與史不符按今塌本作承直郎前

彰國軍節度判官與金石記所引亦不合金彰德軍治彰

德府彰國軍治應州碑題前官則已在棄官後矣記爲楊

庭秀撰庭秀以泰和乙丑刺澤見硤石山福嚴禪院記又

縣志松林寺在城西南晉普山下一名靈巖寺一名法輪

禪院有宋四石幢金元碑額金楊庭秀碑云創自隋時慧

觀頭陀皆與碑合縣志山川門環秀山再南微東卽曰晉
普山山半爲靈巖寺入石門口萬松參天綠雲如水陰壑
積雪盛夏不消亦縣之幽勝地也碑首所言諸山如硤石
山在縣東南三十五里浮山東距縣三十五里碧落山西
北距縣十五里有碧落寺皆見縣志記末所言先友許子靜卽
許安仁金史安仁傳泰和五年卒此碑立於六年故稱先
友記文雄厚渾健庭秀固亦金季之能文者而以被脅伏
法惜哉碑見通志金石記

劉千墓幢

幢高二尺廣四寸八面刻行字不
等字徑六分正書今在平定州

多心經不錄

夫千者彭城人也遺立於後代古榆平定州安平鄉乱柳里

口于今耳

瓊博愛其宗以時而思之卜其安兆之墳口其器德尊宗之備於子孫而安措之生事愛敬無虧死念生鬻劬之思常口渴之意故云身體髮膚受之於父母焉能有愠語云第一死面葬之以禮祭之以禮生民之本盡矣孝子之終矣

昔泰和八年歲次戊辰三月季春清明有二日豎石人劉

瓊長男 劉瓊妻楊氏

一子劉溫妻翟氏

大孫高氏

劉公墓諱千妻張氏次男劉義妻趙氏

二妻苗氏三男劉添妻苗氏長子刘文妻岳氏

四男劉厚妻張氏長男劉朝妻李氏辛氏

二張氏劉駟

第二面

五男劉聚妻裴氏長男 劉昌妻李氏

六男劉慶妻蔣氏武氏 二男馬哥
一男劉山

七男劉宣妻石氏 第三面

此劉瓊爲其父千所立墓幢八面刻前刻多心經後刻記
及父母兄弟妻子記文村里殊甚文云古榆平定州酈柳
里棧趙秉文湧雲樓記亦云樓枕古榆關是平定州向有
榆關之名矣

昌甯公廟碑

碑高五尺一寸廣三尺二十八行行
五十字正書今在甯武縣界定河村

汾川昌公家廟記

天有五行水爲之本水之爲用大矣哉極天下之信善利萬
物而不窮苟失其信亦能害萬物至於懷山襄陵下民昏墊

當其爲害時聖王在上用能俾乂故自五帝以來有水官掌
治之少皞之裔孫昧爲玄冥師玄冥乃所謂水官也而昧爲
之長昧之子臺駘臺駘能嗣其官業宣汾洸障大澤以處太
原帝顓頊嘉其功乃邦之汾川厥後有沈姒蓀黃四國在守
其祀而不絕至春秋時晉主汾乃始滅之子產是以謂臺駘
汾神也良有以焉寧化縣郭西南二十餘里有定河村村側
有小寧左汾塹右谷口高且尋仞廣殆畝餘上有叢祠古往
流言謂爲臺駘墓主汾神而土俗雖承傳之久亦不知所以
然又諭建祠之由弟以土地神視之故其祠宇稔爲風雨所
獎莫之省也今按縣境處汾水上游實太原之域昔者臺駘
業官於此受封於此其生也既有功于此而死乃葬于此不
其然乎祭法曰法施於民以死勤事以勞定國能禦大菑能

捍大患有功烈於民者則祀之及夫日月星辰山林川谷

聖

陵非

此族

也不在祀典若臺駘乃勤事禦菑有功烈於民宜

在祀典之族也禮山川之神水旱癘疫之災則禱之說者謂

祭其先世主

山川之神

非獨祭山川之神也明昌五年州得

汾陽人任從仕為判官任諱知微博聞之士也因悼彼俗顛

蒙瀆神之祀乃追討圖

志以

春秋傳證之覈厥事迹知其昭

然不誣為神之墓神之廟矣乃與儒士史世雄宋鉞取舊圖

經叅校編次增補其闕具載茲

事以

示鄉人由是民得曉然

知所敬在是乃相與修廣舊祠闢其堂皇易庫為崇延袤兩

序增為周廡敞其陽門益之東西偏至

於塗墍

甃繪飾之

屬煥然一新仍得任公所書故事封爵廟號榜于題額觀者

莫不喜悅然後衆乃環聚而言曰惟神之瑩兆廟

貌既在吾

里則神之靈尚安往哉且吾民之生咸賴汾河之利並水而居未嘗有泛溢之厄得非神力乎今祠所既寧吾屬當以時敬祀之以報神休於是以每歲仲夏潔誠修祀具牢醴牲

餼奠於堂上作樂舞戲妓拜於堂下是日闔邦遠近往觀者如市大為聚樂以極歲中一方之遊觀也自承安以來仍歲

遇旱郡僚有禱必獲嘉澤從此邦人荷神之庇益深而敬事之心如神之在誠不攸矣若稽神之靈應在人者遠則唐有

令狐楚謝雨文之碑次則晉有昌寧公之封近則宋有靈感

寧應公之贈宣濟廟之額今則靈威素著定河之稱舊郡守

賈公有禱雨獲應詩皆可證驗茲惟典故之實及耳目所接

可信後世者榮書之石以著鄉民興祠崇典之實庶使後來

無復有味謬如前日者云初民欲刻石久矣請於士大夫屢

不果今又告之

州帥田侯田侯恤民之勤而乃謙而不有下諉庸耄義弗免焉大梁水張守愚謹記

泰和八年九月二十二日立

鄉貢進士充本州

儒學正宋鉞校勘

武德將軍^卽化州軍資兼軍器庫監驍騎尉劉仲寬書



承信校尉^卽化州軍轄權主簿兼巡捕事雲騎尉馬紫玉

武略將軍^卽化縣尉權縣事兼管勾常平倉事飛騎尉高

昆玉

懷遠大將軍行^卽化縣令兼管勾常平倉事輕車都尉開

國伯食邑七百戶移刺

昭信校尉_寧化州軍事判官兼提舉常平倉事雲

騎尉

下

儒林郎同知_寧化州軍州事兼提舉常平倉事雲騎尉賜

緋魚袋張守愚

奉直大夫_寧化州刺史兼知軍事提舉常平倉事上騎都尉京兆縣開國子食邑五百戶賜紫金魚袋田仲禮

校通志秩祀略甯武縣甯化鎮昌甯公廟金張守愚記守

愚見補金史藝文志校廟祀臺駘石晉封爲昌甯公故山

西通志作昌甯公廟一統志斥之誤矣又通志甯化郭西

南二十餘里有定河村村側有小邱左汾堦右谷口高且

尋仞廣殆畝餘上有叢祠古往傳爲臺駘墓主汾神

注甯化汾

源所導也卽此碑碑末題武德將軍甯化州軍資庫監驍騎尉

劉仲寬書丹儒林郎同知甯化州軍州事兼提舉常平倉

事雲騎尉張守愚奉直大夫甯化州刺史兼知軍事提舉
常平倉事上騎都尉京兆縣開國子田仲禮按碑所謂州
帥田侯者卽田仲禮金史本紀明昌六年三月甲午監察
御史田仲禮爲左拾遺仲禮金史無傳以本紀合此碑證
之知以泰和八年爲甯化州刺史金史地理志甯化州下
刺史本甯化軍大定二十二年升爲州此碑所列官名有
提舉常平倉管勾常平倉字金史本紀明昌三年十月甲
寅勅置常平倉處並令州府官以本職提舉縣官兼管勾
其事以所糴多寡約量升降以爲永制碑立泰和八年故
得以提舉常平倉管勾常平倉入銜又自劉仲寬諸人外
碑刻官名氏多磨泐据甯武府志補碑見寰宇訪碑錄通

志金石記

景德寺牒

石高一尺廣二尺九寸六分二十六行
行字不等行書今在鳳臺縣高都鎮

中書門下牒景德寺

澤州晉城縣僧道幽丹水山慈善寺

牒奉

勅宜賜景德寺為額牒至准

勅故牒

景德四年十一月 日牒

右諫議大夫叅知政事趙

押

兵部侍郎叅知政事馮

押

工部尚書平章事王

押

澤州

帖景德寺

准

勅如前

石昊如前

勅黃帖晉城縣所有僧道幽丹水山慈善寺一准

勅命指揮賜景德寺為額係帳供申不得漏序并帖僧正

司准此事須帖景德寺者景德四年三月 日帖

司戶叅軍孫

押

錄事叅軍王

押

推官趙

押

判官葉

押

知軍州兼管內勸農事石

押

大金泰和八年十一月二十日善雲立石 忠喜 善深

善超 副寺僧善永

寺主僧善能 助緣王愆 張鼎 司理司寶模



按鳳臺縣志景德寺在城東高都鎮唐建舊名慈善內有
宋牒卽此碑今碑云中書門下牒景德寺澤州晉城縣僧
道幽丹水山慈善寺宜賜景德寺爲額與縣志舊名慈善
合牒所列官有右諫議大夫參知政事趙兵部侍郎參知
政事馮工部尚書平章事王宋史宰輔表景德二年四月
癸卯馮拯自工部侍郎簽書樞密院事參知政事大中祥
符四年七月拯自參知政事知河南景德三年二月己亥
趙安仁自知制誥翰林學士遷右諫議大夫參知政事
戊戌王旦自尚書左丞參知政事加工部尚書中書門下
平章事所泚官皆與碑合

參知政事趙馮者趙安仁又通馮拯平章事王者王旦也

鑑長編景德三年二月己亥刑部侍郎參知政事馮拯爲
兵部侍郎與牒兵部參知政事馮者合牒景德四年十一
月碑立金泰和八年十一月碑見通志金石記

湧雲樓記

碑高四尺二寸廣二尺二寸八分十四行

行二十六字

正書今在平定州署東北隅

太安二年夏四月余來蒞平之登城

樓而樂之樓枕古榆開

下建十

丈旗表以五筵廣

三之二窗闢軒豁俯瞰閭閻旁引

重山複嶺之阻

左扼土門右控大

鹵太行倚之羣山迤之道

京師而來者應汾晉接

秦隴走雲代商旅

絡繹使駟旁午車

摧馬括日不半舍使人目

寒而足慄慄然有去國

之悲阜落

之山晉陽之泊廣陽之故道井陘之故

關地古天荒巖深樹

老使人心折而骨

悲黯

然有懷古之思若乃煙

雲雨態倏忽

明晦欄

檻半晴野無

完

塊雌霓半空雄風千里絺綌以清郊

鄜汗泚秋空月明飛光瞰檻爾屋穿漏我居蓬瀛雪漲

千山

北風興寒

我

纒而溫爾繚其單觴於斯詠於斯會賓友於斯

其亦有思序古之君子內淵觀而外昭曠淵靜則悔吝不生
昭曠則不蔽於物其於居室也亦然交奧之處淵如也高明
之居曠如也淵靜所以存神昭曠所以知政靜以養恬動以
應物萬變之來了然吾胸中而不惑茲曠也祇其所以為達
也歟是年重陽日記

承直郎軍事判官張雲篆額

武安張宜鐫

按此爲趙秉文湧雲樓記今搨本多漫漶据州志補碑云
太安二年夏四月余來涖平定登城樓而樂之元遺山集

閑閑公碑公諱秉文字周臣閑閑其號也太安初出爲甯

邊州刺史二年改平定州入爲兵部郎中兼翰林修撰不

言是年何月涖平定今得此碑可補其闕碑又云樓枕古

榆關方輿紀要城邑考平定州有上城下城上城謂之榆

關相傳韓信伐趙時嘗駐兵於此因高阜爲塞以榆塞門

因名宋初增築其東北隅謂之下城平定州志湧雲樓在

州署東北隅創於宋名思武樓大觀四年平定州高公純

更名湧雲金刺史趙秉文有記

校平定宋爲軍金爲州志曰平定州高公純當作知

平定

即此碑末題承直郎軍事判官張雲篆額

碑有阜落山晉陽泊

云云可爲考金

李治敬齋古今註云歐陽棐永叔第三子

也承叔嘗書以教之曰藏精於晦則明養神以靜則安晦

所以蓄用靜所以應物善蓄則不竭善應則無窮雖學則

可至然性近則得之易也宣后崩哲宗親政蘇子瞻知定
州朝辭上書曰古之聖人將以有爲也必先處晦而觀明
處靜而觀動則萬物之情畢陳於前陛下欲有爲也惟憂
太蚤不患稍遲近世趙禮部秉文周臣作平定湧雲樓記
全用歐蘇語意碑見通志金石記

古靈灋語

碑二各高三尺六寸五分廣二尺三寸古靈法語
七行圭峰法語入行行均八字正書今在平定州

古靈灋語

靈光獨耀迥脫根塵體路真常不拘文字心性無染本自圓
成但離妄緣即如二佛

為政公長老書於榆關天寧方丈張宜刊

圭峰法語

趙秉文書

作有義事是醒悟心作無義事是散亂心散亂隨情轉臨行被業牽醒悟不絲情臨終能轉業

大安二年十月上休日王師雄張雲卿同立石

按碑題爲政公長老書於榆關天甯方丈又圭峰法語趙秉文書大安二年十月上休日王師雄張雲卿同立石按平定州志天甯寺在下城南營宋熙甯間建賜名天甯萬壽禪林敕太師蔡京書額卽碑文所云天甯方丈金史趙秉文傳泰和二年十月出爲甯邊州刺史三年改平定州爲政一從寬簡歲饑出祿粟倡豪民以振全活者甚眾大安初北兵南向召秉文論籌邊策州志秉文湧雲樓記大安二年夏四月余來蒞平定登城樓而樂之此碑立大定二年正秉文刺平定時又記云樓枕古榆關故諸碑皆稱

平定爲榆關

郭郭墓志

碑連額高三尺四寸廣一尺六寸二十行行三十九字額
題故息軒先生墓口銘八字均正書今在定襄縣芳蘭村
崇慶改元秋八月息軒先生口于世安過予且告之曰去年
先君沒殮於家園是月二十有三日將舉大葬已命工礱石
欲爲表墓之碣願賜之銘則先君爲不沒矣先生實爲先祖
信武軍同輩晚歲口予頗厚其論議趨舍不謀而合嘗許爲
忘年之友先口沒欲以數字銘墓已心許之矣况有諸因次
序而銘之先生郭氏諱郭君玉則其字定襄之芳蘭里則其
鄉也曾大父字大父德資父經皆不仕先生蚤力學舉詞賦
進士既冠已預雲中薦書然倜儻不羈倦於聲律中年以來
遂絕意進取隱於東山之下有井田數十畝祭廬其傍榜其

軒曰息因以自號每以詩酒翰墨自任詩得於易不苦彫琢雖嗜飲不及於亂書法自成一家凡一點一畫各取古人所長其筆勢宏放大概類米元章時人往往乞其墨跡以為珍藏者多矣其為行信於友忠於人慈於鰥寡甚為閭里愛敬至於閨閣之間蒔牧之賤皆知其有郭先生也凡有賓客會聚必召之為設專席尊其老成承安大安間以壽累補三爵而雅意非在焉又善為佛老理性之說聽之可以解人鬱結口一車一馬或登臨山水或時入城市意在則往無定也蓋得古人獨善之義優游玩世如是而終身焉春秋八十有六葬於息軒之坤隅百步娶趙氏先逝見存王氏其子世安實為喪主孫男一曰三十口孫女五長適王氏次適李氏餘未妙先生行業大率近於古之逸人馬少游所謂御款段乘下

澤鄉里稱善人者先生其有之銘曰

人皆挾策將以取名□皆希祿將以代耕先生曰嘻非吾本情山林圖壑□寓此形詩酒翰墨足了此生人與其德天修厥齡□鄉我里今無老成雖無老成尚有心畫為之典刑息軒之傍有墳斯在敢題其銘

崇慶元年八月 日

徵事郎前鞏州隴西縣主簿致仕趙元撰

丹書王忠義

陰陽人口口 石匠張浩

按山西通志金石記息軒名郭字君玉碑稱其力學舉詞賦進士既冠預雲中薦書三朝北盟會編金府試闕西及河東兩路就雲中蓋明目以前制金史凡詞賦經義進士

府試之處明昌中增平陽承安四年復增太原則河東兩

路各就近試定襄屬河東北路當應舉太原不復至西京

以上節錄通志金石記
以見傾薦在明昌前

按金史承安三年御史臺劾奏張

復亨張嘉貞趙樞張光庭高元甫張巖叟傅汝梅張翰裴

元郭郭皆趨走權門人戲謂胥門十哲復亨嘉貞尤卑佞

苟進不稱諫職俱宜黜罷奏可與郭舉進士之年恰合是

郭本熱中幸進因廢斥而高蹈不得已也志文似有所諱

碑末題前鞏州隴西縣主簿致仕趙元撰中州集金趙元

字宜之定襄人經童出身調隴西簿未幾失明自少博通

書傳作詩有規矩泰和後有詩名南渡後往來洛西山中

爲人有才幹處事詳雅旣病廢無所營爲萬慮一歸於詩

故詩益工按中州集不言何時失明今此碑立於崇慶元

年題銜稱致仕則元已失明矣芳蘭里今爲芳蘭村碑言其筆勢宏放大概類米元章則郭郭亦金代能書者可補書史會要之闕又碑所言雲中謂金西京大同府

崇仙觀牒

石高一尺八寸廣二尺八寸二十行
行字不等正書今在潞城縣合室鎮

尚書禮部□□□河東南路運司觀額

潞州天寧觀道士趙仲文告先有潞城縣合室村有玉皇廟一所看廟弟子張守桂自來別無名額今折納訖銀鈔□到空名觀額一道請書填崇仙觀本所照勘相同令行給賜者

牒奉

勅可特賜崇仙觀牒至准

勅故牒

崇慶元年十月 日口吏李璫 主事侯利建

中順大夫禮部員外郎兼著作郎木甲

中順大夫提點司兼禮部郎中翰林修撰趙

押

侍

郎

通奉大夫太子大保兼禮部尚書翰林學士丞同知制誥
修國史張

本觀道眾 段惟偉 王惟忠 李惟定

師弟邢彥俊 李彥敏 王彥朗

申彥侑 陳彥直兄秦彥冲

先師趙仲文 師伯張守桂

上院尊宿李元春 祖師白鶴觀王可守

施主 張淵 張贊 張昇 張潰 李貴

歲次丙申八月初一日張彥信立石

張濟書丹

石匠王潤

校碑刻尚書禮部

關

河東南路運司觀額金潞州隸河東

南路每路有都轉運司見金史地理百官志故此碑云又
金史本紀崇慶元年五月詔賣空名敕牒校金大定承安
累賣空名敕牒皆以金末軍興崇慶之詔則以蒙古故牒
書崇慶元年十月在五月後與金史合禮部尚書張者張
行簡禮部郎中趙者趙秉文也碑見通志金石記

宋雄飛題詩碣

石高一尺三寸五分廣二尺三寸四分
分十二行行五字行書今在鳳臺縣

易覺春光老難消夏晝長問囚傷道氣嚼句療飢腸殿古苔
痕澁壇高檜影涼黃冠誰可語試與辨亡羊

崇慶癸酉孟夏中旬和安居士宋雄飛翔霄題監場廬仔
監酒趙壁上石

按鳳臺縣志金宋雄飛字雲翔真定人由辭科進士任刑
部檢法出爲通判郡事明習法律州有疑難諸獄多所匡
正暇日與同僚游賞勝地每得佳句輒書於壁書法遒勁
可愛仕至同知汾州事又宋龍泉碑碑陰行書爲金崇慶
改元五月十五日真定宋雄飛以憲司通判郡事同司戶
呂華游柳溪祠下移碑於正門之西作志以記此碑前刻
五律一首後刻崇慶癸酉孟夏中旬和安居士宋雄飛翔
霄題疑志云字雲翔誤末有監場廬仔監酒趙壁上石崇

慶癸酉者崇慶二年卽至甯元年金史衛紹王紀是年五月改元碑立孟夏故仍題崇慶又是年九月宣宗卽位壬子改元貞祐一年而再改元合之四月未改崇慶則一歲三易紀年眞亂世之象也金石續編有老君菴宋雄飛詩刻泰和二年亦可參考

重立荀叔廟碑

碑高四尺四寸五分廣一尺七寸三分二
十五行行四十四字正書今在鄉甯縣
重立晉大夫荀叔廟碑

錦谿老人張汝納撰

邑人尉郁書丹并篆額

神正直而一者也惟人能此可以神之當其立人之朝荷國之託其秉心也正其挺操也直志見於言而不貳言副於行

而不食見危受命視死如歸身雖沒世而名不磨於世勦乎
等崧岱昭乎差日月生則忠臣筆諸信史沒則明神符諸祀
典為後世之所敬畏者吾於晉大夫荀叔見之晉周之列國
也以虢為不道鈔晉邊邑首請以屈產之駟垂棘之璧假途
於虞以伐虢蓋知虞公之貪不能用諫也宮之奇之懦不能
彊諫也獻公始惜其實卒用其謀遂并二國以彊其晉斯不
亦見幾而作可謂智矣乎迨公以復疾俾傅奚齊以其幼弱
與諸子懸貍問保之何如對曰臣竭股肱之力加之以忠貞
其濟君之靈也不濟則以死繼之公問何謂忠貞曰公家之
利知無不為忠也送往事生使兩無疑恨貞也初獻公以驪
姬之故立奚齊而廢申生出其重耳夷吾及里克將殺奚齊
以三公子之徒所怨告之日子將若何雖欲死之無益也曰

吾與先君言矣不可以貳能欲使前言可及復而行得愛惜身乎雖無益將安避之及克弑逆將死之人謂不如立公子卓以輔之既立卓克又弑逆於是死之其行事備見於左傳豈前智而後愚哉蓋臨大節而不可奪也非不知從君於昏竟為逆黨所害願力有不足惟言之不可欺也然春秋之法當責備賢者復有不合於聖教者乎夫智士仁人有殺身以成仁孔子之所稱者事君能致其身亦孔子之所美者大抵人倫所重為臣莫如忠忠則正直而一也既正直而一得不謂之神乎神得一以靈信能默助上帝而福善禍惡傳曰以死勤事則祀之宜乎祠於國土而為人所敬畏焉鄉甯者晉之鄆侯城也維縣之東十有五里有山曰栢被山而叢者皆栢也故以名焉半山之平有大夫之廟像聞諸居農曰每當

孟夏八日邑人往集而祀之歲未嘗闕蓋葬於此而聖聖尚
存故民益敬之歲在癸酉五月晦前二日男敏修以登仕郎
來主是邑簿道過而謁之雖有碑銘已述諸美即宋建隆三
年所立也細而閱之惜其忠貞匪躬關於發揚未見可神之
迹况復年移代遷文浸湮剥恐其久而泯絕焉迺僦工別謀
立石且請文其事僕才不自揆輒序始末姑撫其實以明臣
節非敢妄為損益庶使鄉民知此回心於忠正不陷邪僻之
罪可表乎命匠增新之意云故為之銘曰

猗歟大夫 忠貞其志 餌虞取虢 以闢土地 諷君
起墓 累卵悟意 俾傳幼子 貴之重寄 願竭股肱

死且何避 克既弑逆 言果不貳 殺身成仁 舍

生取義 大節弗虧 英風罔墜 廟立鄉邦 民欽時

祀以正而神 無所不至 公貞必祐 邪淫盡愧
敬之畏之 直哉行事

晉大金至寧元年秋八月庚寅登仕郎可吉州鄉寧縣主簿兼管勾常平倉事張敏修立石

按碑題錦溪老人張汝納撰邑人尉郁書丹并篆額以碑文考之汝納卽鄉甯主簿張敏修之父碑云鄉甯者晉之鄂侯城此据史記索隱又云維縣之東十有五里有山曰柏有大夫之廟像蓋葬於此而邱壘尚存此据太平寰宇記其云碑銘宋建隆三年所立卽宋建隆三年慈州楊允忠荀息廟碑今有碑本建隆三年五月二十九日立末題大金至甯元年秋八月庚寅登仕郎可吉州鄉甯縣主簿兼管勾常平倉事張敏修立石以碑文歲在癸酉考之卽金貞祐元年按金

史本紀是年五月改元至甯則五月以前仍爲崇慶二年
金宋雄飛詩碑本可證是年八月癸巳呼沙呼弒衛王九月宣宗卽

位壬子改元貞祐則九月以後又爲貞祐元年一年三改
元其爲至甯者特五月至八月耳碑立八月故得題至甯
香巖禪院牒

石高一尺六寸廣二尺二寸五分十
五行行字不等正書今在趙城縣

尚書禮部牒香巖禪院

尚書禮部牒

隰州大寧縣淨惠禪院僧智江狀告平陽府霍邑縣河壁
村乞立院名勘會是實湏合給賜者

牒奉

勅可特賜香巖禪院牒至准

勅故牒

大定三年四月初三日令史向昇押主事安假權郭押

奉議大夫行太常博士權貢外郎劉押

中散大夫行貢外郎李

宣威將軍郎中耶律

侍郎

中奉大夫禮部尚書兼翰林學士承旨知制誥修國史王

貞祐三年歲次乙亥七月望日

住持講經論沙門明珽

院主僧義遠

孟財刊

按碑列金尚書禮部牒隰州大甯縣淨惠禪院僧智江狀
告平陽府霍邑縣河壁村乞立院名牒奉勅可特賜香嚴

禪院牒至惟勅故牒霍州志香嚴寺在靳壁村南金大定三年建所列禮部諸官銜階與聞喜大雲禪院牒同普照禪院牒視此牒階皆進而一系四月一系五月一系六月結銜互異一時之中升降數數乃爾大定之初金廷多故於此可見

大雲禪院碑

碑二截高四尺四寸二分廣一尺八寸上截十二行行字不等下截二十一行行二十七字正書今在沁州西郭村尚書禮部

沁州銅鞮縣郭村張舜等告本村古舊釋迦佛堂一所內有塑像神佛於大定二十年給到存留公據今舉請到僧善忠住持緣自來別無名額今買到空名院額一道乞書填作大雲禪院住持施行本所照勘相同合行給賜者

牒奉

勅可特賜大雲禪院牒至准

勅故牒

崇慶元年 月 日令史石彬 主事侯利建

中順大夫禮部員外郎兼著作郎國史院編修官木甲 撰

中順大夫提點司天臺兼禮部郎中翰林修撰同知制誥

趙

侍 郎

中奉大夫太子太保兼禮部尚書翰林學士承旨知制誥

修國史張

大雲禪院之記

鄉貢進士董應撰并書丹

竊聞光騰周室佛始誕於西天夢入漢庭教方通於東土示
慈悲之瑞相振般若之鴻音頓啓含靈同歸正道是以流餘
芳而不泯垂後裕以無窮然劫火之屢經迺法門之愈熾精
藍梵刹聳衆目之崇觀繪像塑儀傾諸方之敬仰惟沁州銅
鞮縣長豐鄉郭村爰聚居民百戶舊有佛舍三間廊廡粗完
齋廚姑備慮歲久之荒廢感衆為之悼傷伏遇

國朝改元崇慶緣軍馬調度所費浩大許隨路分鬻寺觀名
額有本村張舜暨村衆等相率而告詣於有司納訖錢鈔仍
就平陽府降授到

勅牒書填其額目曰大雲禪院請到住持比



善忠緣當契

合行為衆推崇峻極之戒墉湛洪深之性海里開稱讚大小
咸驩令祈福薦祉者皆有趨嚮之門裨獻香貢花者免無瞻

依之地自時厥後舉得蒙斯善利而靡有間哉又形勢雄壯
勝槩頗多東附鼇山西隣齊岫南視陶唐古廟北接顯濟靈
祠地沃而肥俗^淳而厚甘泉浚而清潤嘉木茂而陰森雖他
所有明山秀水雅趣亦不過是矣鄉首趙慶李浩岳^寧張義
等深欲勸諭里人興崇堂宇其奈國式遭於多故年預兆於
不登嗚呼使增修之功抑而不能行也良可悲夫四人顧相
謂曰然院額

勅黃祕存恐因時久淪毀而後人無所據焉遂刻諸石以傳
於不朽有善士張佐張德張証楊建霍世忠李昌俱來祝應
為文此數子者智明識遠有古人之鑒焉予寓跡是鄉辭不
可已具詳其本始因授管城子輒為書之云爾

貞祐三禩歲在乙亥中元日記

住持比

諱

善忠立石

銅川楊瑜刊

按通志金石記宋時建寺金崇慶間賜牒今牒無存又通志古蹟考沁州大雲禪院在州北郭外宋建金賜額今塌本牒完具蓋纂志者未見塌本故云無存碑牒前有尚書禮部沁州銅鞮縣郭村張舜等告本村古舊釋迦佛堂一所內有塑像於大定二十年給到存留公據云云可特賜大雲禪院牒至准勅故牒崇慶元年月日令史石彬主事侯利建後列禮部員外郎兼著作郎木甲兼禮部郎中翰林修撰趙侍郎太子太保兼禮部尚書翰林學士承旨知制誥張所列銜名與通志金石記崇仙觀牒令史侯獻爲異後附大雲禪院牒令史石彬與崇仙觀牒令史侯獻爲異後附大雲禪院

記爲鄉貢進士董應撰并書記云遇國朝改元崇慶緣軍馬調度所費浩大許隨路分鬻寺觀名額金史衛紹王本紀崇慶元年五月勅賣空名勅牒又大安三年四月元太祖來征十一月東過平灤南至清滄由臨潢過遼河至忻代皆歸大元崇慶元年五月簽陝西勇敢軍射糧軍赴中都所謂軍馬調度所費浩大也按禮部尚書張郎中趙皆不署名侍郎止署官以金史考之張行簡傳字敬甫大定十九年進士歷官禮部郎中兼同修國史改禮部侍郎提點司天臺尋遷侍講學士順天軍節度使泰和六年召爲禮部尚書兼侍講同修國史累遷太子太保翰林學士承旨修史尚書如故貞祐初轉太子太傅本紀至甯元年有太子太保張行簡

本紀大定元年十二月行簡爲太保三年十二月有太保張行簡傳無遷太保

文實太子 太保也 崇慶元年之次年爲至甯元年行簡猶爲太子

太保本傳遷太子太保尚書如故故知爲行簡

通志金石記以爲張

行信按行信傳崇慶年爲諫議大夫

貞祐三年十二月轉禮尚此時未也郭村在沁州西又木

甲金人姓見金文雅李純甫樓霞縣建廟學碑有州太史木甲公可相參證碑見通志金石記

崇慶院記

碑高二尺九寸五分廣一尺八寸二十四行行四十三字正書今在潞城縣雲巖山

增修雲巖山崇慶院記

夫金仙之教流行中國積有年矣至於天子上都王侯

戚里名家巨族往往喜於奉事或割脂田沐邑篋笥珍藏邀其福以尊嚴之故浮圖氏之居與官室不相高下者易乎爲力也凡在荒山荒野間興崇佛刹非得其人得其時天相於

上人助於下未易成也誠一衣一鉢一手一足艱乎為力哉
潞城縣雲巖山崇慶院創於大唐景雲元年今有古碑雖風
凌雨剝字畫漫滅猶可尋考路於五季用武之地也干戈之
餘幸而存焉誇宋迄

金綿綿不絕者如帶至大定間歲隳月壞舊物索然其居多
不克完僧惠朗會耆艾李貴等商度之曰此院久廢非有道
者莫能興遂率緇素詣鄉垣縣龍建山慈雲禪院熏香淪茗
請印公大師住持師嘉其勤曰飛錫而駐焉於是興惠朗等
徐謀幹輯規其狹而廣之改其舊而新之歲無豐儉來獻施
者常滿門不踰十稔雲堂中殿樓閣門廡下洎厨廩庫廐靡
不完具及工告成制作雖壯不踰矩豈非得其人得其時人
助於下也曩以胡兵采入侵蝕河東佛寺禪林悉為煨燼獨

此金田秋毫不犯豈非神物護持天相於上也師度僧六人
朗其長也曰深曰和今已示滅曰洪賜紫宣微大師管轄轉
輸經藏其貲無慮數十萬不淹歲月而崇成之曰遇於西北
隅建大殿三楹亦蚤世曰德賜紫悟明大師管雄田一百雙
以給堂下歲時饘粥之費至於凡百所湏不仰給於人優游
自足凡具戒者一十有二人名備紀於碑陰皆克負荷嗣續
⑤風祖師雖已歸寂其遺恩餘馥沾徇後人者多矣噫嘻哉
事不終晦有時而彰時不終禿有時而昌昔斯院之廢也荒
煙白草荆棘叢生今天晴日朗名花珍卉爭為容矣昔頽垣
敗屋半為荒墟今雄楹傑桷金碧爭光奪人目矣昔風雨冥
晦鬼嘯景呼今梵音嘖語鐘磬和鳴洋洋乎盈耳矣昔垂虵
廢廟狐狸窟宅今闢其寬衍化為蔬圃矣故父作之子述之

一門之內繼有其人使

佛日重輝頽綱復振良有可嘉主僧祝予為記備道其廢興
始末將以刊諸翠_錢用傳不朽曰摭其實而次序之豈興定
二年四月望日古純進士杜飛卿記 裕溪 賜紫僧惠初
書 慈雲禪院賜紫達理大師惠通篆

武義將軍行縣尉姚里

廣武將軍行主簿張

宣武將軍行縣令吉

中順大夫守絳州節判姬景文男忠翊校尉寺底鎮酒都
監姬協

王禮村都維那何守正妻劉氏 大男忠顯校尉守平涼
府錄事何諸何詵何諷何訓 孫男銀住

敦武校尉遙授武安縣尉何知微何知剛

賜紫悟明大師見住持僧惠德

賜紫宣微大師尊宿僧惠洪

潞邑南癸 王愿 西申庄苗蒿同刊

按通志金石記潞城縣志進士杜飛卿撰碑略云院創唐
景雲元年今有古碑雖風淩雨剝字盡漫滅猶可尋考又
云以胡兵深入侵蝕河東佛寺禪林悉爲煨燼獨此金田
秋毫不犯蓋指貞祐中元兵下潞州事也然是年

指興定二年

十一月元兵復收潞州以迄金亡無歲無兵矣今搨本碑
末題時興定二年四月望日古純進士杜飛卿記屯留縣
志飛卿元至正間進士疑誤又碑所列諸人之階官以金
史考之武義將軍從六品上廣武將軍正五品上宣武將

軍從五品下忠翊校尉正八品下忠顯校尉從七品下姚
里諸人皆以武階而居文職可以見金時之制中順大夫
正五品下絳州節判寺底鎮酒都監地理百官志絳州絳
陽軍節度節度判官一員正五品潞州屯留鎮一寺底酒
課不及千貫之院務止設都監一員姬景文何守正父子
卽碑所謂一門之內父作子述者金末文勝此碑及河中
元武碑皆以北兵已去乘時修建爲幸而不知屋社之在
卽也悲夫按碑末所列諸官職名氏皆足補今志之闕碑
見通志金石記

牛文郁詩碣

石高一尺七寸七分廣六寸四分
六行行十三字正書今在鳳臺縣

牛文郁詩碣

聳秀蓮峯染黛新中藏精舍碧鱗鱗一溪雲水分金界十里
煙霞隔世塵聖境清涼僧不老天風輕軟景長春我來率爾
留狂斐無復終篇遇駱賓 牛文郁④道題

大金興定辛巳清明日外孫王炳書

按通志金石記鳳臺縣志詩七律後書牛文郁題王炳書
興定清明日刻今拓本文郁下有宏道二字王炳上有外
孫二字考宣宗本紀興定二年戊寅元兵攻澤州五年正
月攻天井關兵戈擾攘之際賢如李莊靖尚多避亂中州
牛文郁等何人乃安若無事作此勝游耶金史本紀興定
五年正月丁酉
元兵攻天井關元史史天倪傳辛巳金潞州元帥裴守謙
澤州太守王珍皆以城降是此歲金併失澤州不止干戈
擾攘矣

李莊宣聖廟碑

碑高一尺五寸八分廣一尺六寸四分八行
行八字後題一行十七字正書今在潞城縣

王備世業農也啓誠率眾興是緣業豈不偉歟豈不有後乎
吾黨之子坐視頽毀而不修葺者至此甯不愧於斯人哉
興定伍年中秋後五日高不愚誌

朝請大夫賜緋魚袋潞城縣令史良臣立石

按潞城縣志至元二年宋渤李莊重修宣聖廟記金太和
中潞城東有里曰李莊豪族王備李格者新治學舍爲禮
殿其中繪弟子於兩廡規模如度與此碑王備興是緣業
合末題時興定五年中秋後五日高不愚誌朝請大夫賜
緋魚袋潞城縣令史良臣立石此良臣是年令潞城之證
今志失載宋渤記又言王備之子周初立營葺旣而主平
山簿遷潞城宰再遷潞州錄事勞於宦轍未就而卒大椿

大用其孫也祖孫三世能益勉弗懈可謂知所重者備以
一農民知營聖廟厯金至元家世益起詩書澤遠於此可
見

重修元武殿記

碑高三尺一寸三分廣一尺八寸十
八行行三十五字正書今在永濟縣

大金河中府重修元武殿記

中順大夫遙授定國軍節度副使河東路行元帥府經歷
官上騎都尉贊皇縣開國子食邑五百戶賜紫金魚袋李
獻能撰

通奉大夫遙授定西州刺史兼知軍事分治河東路行尚
書六部郎中護軍天水郡開國侯食邑一千戶食寶封一
百戶賜紫金魚袋艾脩書丹

威武將軍遙授同知耀州軍州事河東路行元帥府經歷
官上騎都尉南陽郡開國子食邑五百戶白舜臣篆額

河中控秦扼晉表裏河山形勝樓觀之美昔人稱之至於神
祠佛刹亦金碧相望府署北城由道遙樓而東次名圖堂有
殿曰玄武世傳有玄龜朱蛇靈應甚著歷政奉之唯謹兵火
之餘悉為灰燼元光改元之明年王師復府城移置城下隘
陋鬱雜甚非所以妥靈揭虔之意也正大癸酉前元帥完顏
公始因故基掃除瓦礫殿而像之遂即高爽然府遷于防秋
東西靡定人心搖搖神亦胡然而寧戊子秋元帥夾谷公
奉

命來鎮是邦周覽形勢慨然請於

朝完城堞脩器械訓兵撫民以為固守之計凡所以興廢補

弊罔不修舉乃復加增飾煥然一新其于奉事之禮尤加誠敬由是人心帖然神亦以安願_玄武廟未有記命獻能載其事謹按_玄武郡國之所通祀徵於道家書謂能麾指神兵詞禁不祥以護國衛民者也今胡運告終王師屢捷行將盡復舊疆神必有知之元帥公之忠敬神必有歆之下民厭乱久矣神必有察之必能請命于天攘斥醜虜陰有以相之也將見召呼風雲掃清妖孽洗滌山川復還舊觀神之力居多焉然則人之報神者豈有量哉謹誌于石以為中興之兆云

正大六年十月望日管句興修廣武將軍元帥府局長嚴

都喜 河中吳安仁刊

光祿大夫遙授知鳳翔府事兼本路兵馬都總管宣權元帥左都監行河東路元帥府事知河中府事行六部尚書

柱國金源郡開國公食邑二千戶食實封二百戶賜紫金魚袋夾谷撒合立石

按永濟縣志元武廟一在北城上創建有記按碑言府署北城由逍遙樓而東次名閭堂有殿曰元武與縣志合碑題遙授定國軍節度副使行元帥府經歷官李獻能撰遙授定西州刺史兼知軍事分治河東路行尚書六部郎中艾儵書遙授同知耀州軍州事河東路行元帥府經歷官白舜臣篆額金史文藝下李獻能傳字欽叔河中人貞祐三年特賜詞賦進士廷試第一人歷遷修撰正大末以鎮南軍節度副使充河中帥府經歷官大元兵破河中奔陝州行省值軍變遇害傳作鎮南碑作定國宜從碑

金史地理志同

州定國軍節度不沿任故曰遙授

本紀元光二年六月甲午罷河中行省

置元帥府故獻能得爲元帥府經歷按碑言元光改元之
明年王師復府城本紀元光二年正月乙巳大元兵下河
中府權元帥右都監侯小叔復之丁卯元復下河中五月
丙午復河中校是年河中再陷再復碑言復城指謂第二
次之復也又云戊子秋元帥夾谷公奉命來鎮是邦請於
朝完城堞備器械金史本紀正大元年正月丁巳朝臣議
修復河中趙秉文楊雲翼言陝西民力疲弊未堪力役遂
止據碑則正大五年仍復城之蓋自金貞祐南遷議者多
言河中形勝可都爲汴京基本設爲敵據則大河之險我
不得恃故皆以城河中爲急迨至正大八年河中失而汴
亦旋亡矣碑末題正大六年遙授知鳳翔府事權元帥左
都監行河東路元帥府事知河中府事行六部尚書事夾

谷撒合立石今通志職官譜金哀宗世知河中府無夾谷撒合今以碑文證之知撒合以正大五年秋涖河中六年十月仍任可補史志之闕又碑題銜有行六部郎中六部尚書遺山集剛敏王公碑特起公領隴州防禦行六部侍郎興定二年五月行六部尚書自金南度多置行省以假便宜不能備官分曹故以一人而領行省六部事此碑立後不數年金卽亡乃云胡運告終中興之兆過矣按碑又云正大癸酉金史表正大有乙酉無癸酉乙酉正大二年又按金史本紀天興元年春正月乙酉以點檢夾谷撒合爲總帥宏簡錄同 欽定本作瓜爾佳薩哈國語解夾谷爲瓜爾佳知卽其人亦見續通鑑